

EPISTOLA

3

Illustrissimi ac Reverendissimi D. NICOLAI PAVILLON Episcopi Aletensis, ad Illustrissimum ac Reverendissimum D. HARDVINUM PEREFIXE Archiepiscopum Parisiensem, De Subscriptione Formulae, quâ damnantur Quinque Propositiones JANSENII: E Gallico in Latinum conversa.

Ritualem Aletensem, Tibi, Domine Illustrissime, meo nomine oblatum eâ benignitate excepisti, Literisque ad me vicesimâ Mensis proxime elapsi datis, tam honorificum de eo tulisti suffragium, ut ultro agnoscam, id potius humanitati tuæ ac singulari erga me benevolentiz, quàm ipsius Libri dignitati tribuendum. Quâ quidem approbatione facilè mihi persuadeo, fore ut non parva ei accedat auctoritas, undè legentibus acceptior arque aded Ecclesiæ utilior evadat. Huic autem tuo in me officio cùm vix unquam respondere valeam, id unum spondeo, me illius memorem, gratumque semper futurum.

Nequè tamen id tibi satis fuit: sed mihi aliam adhuc magnam amoris significationem in his dedisti Literis, cùm tuas de Formulæ Jansenianæ Subscriptionem sensus aperire, totumque in eo negotio consilium tuum & facti rationem ad me perscribere instituisti. Quâ in re tuo mihi exemplo præire visus es, ut vicissim tibi omnem de liberationis meæ ac consilii de eadem Formulâ rationem ingenuè ac simpliciter aperirem: undè etiam compendio, & me vel tacente, intelligeret, quid de iis quæ hætenus à Te hoc in negotio gesta sunt, sentirem, quod te rescire velle mihi, tuo nomine, significatum est. Hæc igitur dum breviter expono, ut patienter feras etiam arque etiam rogo.

Primum aliquot ante annos quidam è Sorbonicis Doctoribus, Literis tum suorum Amicorum nomine scriptis, me de Summorum Pontificum Constitutionibus, & Subscriptione Formulæ in conventu Cleri Gallicani constitutz consulendum duxit, quod non ita clam factum est, quin ad tuas quoque aures venire potuerit. In his Literis multa asserabar, quæ sibi religionem injicerent, quo minus Pontificum Bullis eam præstaret obedientiam, quæ Formulæ Subscriptionem exagebatur: illud verò maxime urgebat, se, Libro Jansenii quàm diligentissimè perlecto, nusquam in eo damnatas Quinque Propositiones, sed potius planè contrarias, reperisse.

His, fateor, rationibus initio non ita permotus sum, quin existimarem, eos adhuc Pontificiæ definitioni, tam in jure quàm in facto, debere assentiri, adeoque Formulæ, ubi ea exhiberetur, subscribere: quod ut præstarent, datâ responsione, eos summi adhortatus. At illi aliquantò post aliam longiorem fecerunt Epistolam, in qua cum rationibus à me allatis fusè respondebant, tum verò denud maxime in eo insistebant, sibi hætenus esse perspicuum, Jansenium damnatas Quinque Propositiones minimè tenuisse, adeoque sibi nequaquam licitum ejus damnationi, reclamante conscientia, subscribere.

A

Hæc

Hæc ubi attentè consideravi, non statim de priorè Sententia discessi, memor à Sapientie dictum: *Qui cūd credit, levis est corde*: Sed rem diligentius examinare decrevi, tūm ut eorum consultationi responderem, tūm ut impossibilem Clerum quoque nostrum, ubi id opus esset, cū de re docere possem. Itaque varia Scripta haud itā pridem de hoc Argumento ab utrāque parte edita, quantā potui diligentia, cœpi evolvere, Lectioni Orationem adhibens, Deumque enixè rogans mihi adesse vellet, quod & rectam inirem viam, & in eandem alios deducerem. Ex qua tandem inquisitione multa, eam in rem, certa & explorata habui, quæ hic operæ pretium erit breviter exponere.

Primò mihi nunquàm dubium fuit, quin & ad Ecclesiam pertineat, errores contra Fidem, unà cum Auctoribus & eorum Libris, damnare, & lato ab ea judicio Fidelis quisque obtemperare debeat. De hoc omnes planè consentiunt. Id unum in Disputationem venit, an huic Judicio, quatenus *Factum*, hoc est, Auctores, eorumque sensum, spectat, ea debeatur obedientia, quæ fidem seu firmam animi persuasionem comprehendat. Quæ quidem fides seu animi persuasio subsistit, tibi prorsus assentior, formulæ, de qua agitur, subscribi non posse: id enim tutum contra sinceritatem Christianam, cui nusquam magis locus, quam cum Ecclesiæ, ejus, quæ in nobis est, fidei rationem publico ac solemnî testimonio reddimus. Jam vero ut hæc quæ superest quæstio solvatur, duo necessario examinanda sunt.

Primum an quæstio facti & quæstio juris in hac Jansenii causa ita conjungantur, ut prorsus sint inseparabiles: ex quo consequens sit, eandem in utroque fidem & observantiam Ecclesiæ deberi.

Alterum vero, ubi has duas quæstiones suapte natura sejunctas esse concesseris, an Ecclesia in quæstionibus facti, quæ circa Auctores eorumque doctrinam versantur, errare non possit, atque adeo nemini unquam licitum sit ab ejus judicio ac declaratione, in hujusmodi causis, dissentire.

Ex his duobus, ut mihi quidem videtur, pender tota hæc controversia; de quibus proinde quid sentiam, re diligenter examinata, hic Tibi exponam.

Quod ad priorè quæstionem spectat, juris factique, tanquam rerum suapte natura sejunctarum, distinctionem, in bullis Pontificum & formula ad subscribendum proposita, statim nullo negotio agnovi. Quid enim manifestius, quam quinque propositiones ab Innocentio X. prout se habent, damnatas esse, adjunctâ cuique peculiaris censuræ atque anathematis notâ; in quo jus consistit: deinde verò ab eodem Pontifice, ac postea ab Alexandro VII. ejus successore, Jansenio tributas, tanquam ab eo traditas in libro qui inscribitur, *Augustinus*, quod facti nomine intelligitur? Quis autem non continuo animadvertat, duo hæc prorsus distincta & secreta à se invicem esse? Nonnulli tamen aliquot abhinc annis nullum non moverunt lapidem, ut hæc permiscerent, quasi inter se indivisim coherentia, ut videlicet hoc modo propositio quæ facti est, facti esse disineret, & ad fidem inciperet pertinere. Verum hæc opinio ita ab omnibus explosa est, ut vix ullum hodie reperiat patronum. Qua in re non mediocrem priori tuo edicto laudem consecutus es, quo eam ita profligasti, ut non dubitâris maliciosos aut ignaros nuncupare, quotquot Episcopis illam tribuerent. Quapropter frustra in ea confutanda tempus tererem.

In altera quaestione adhuc minus laboravi. Constat enim apud omnes, in factis non revelatis, quale est, an privatus quispiam auctor hanc aut illam sententiam tenuerit, vel in editis libris tradiderit, Ecclesiae iudicium non esse infallibile. Siquidem in fidei articulis rebusque ad salutem necessariis definiendis, conscia est sibi divinam opem nunquam defuturam; in aliis vero rebus, quae facti esse dicuntur, non item. In his quippe rationis ductum sequitur, nec aliter in eiusmodi quaestionibus dijudicandis se gerit, quam quilibet sapientum hominum ceteris. Quo sensu dici potest in hisce rebus humano modo agere, ac naturalem rationem sequi, non quod plerumque superius lumine non illustretur, sed quod non semper id contingat, nec certa ac perpetua lege ei promissum fuerit.

Ex his perspicuum est, non eam esse Ecclesiae, in definiendis factis, auctoritatem, ut eo ipso pro certis ab omnibus haberi velit; alioquin ad falsum credendum, quod absit, aliquando nos cogeret. Haec erat communis & constans, ante exortas huiusce contentionis, omnium Theologorum sententia; unde etiam inferebant, liberam esse fidem factorum quae ad Honorium & Theodoretum spectant, quantumvis ea publico ac solemni Ecclesiae iudicio definita fuerint. Quam quidem doctrinam probe nosti, Cardinalibus Baronio, Bellarmino & Palavicino ita probari, ut in controversiis adversus Haereticos, pro tuenda Ecclesiae auctoritate, illam tanquam certam adhibeant.

Neque tamen inde quis recte inferat, *Facta omnia ab Ecclesia definita in dubium revocatum iri, atque ita futurum, ut in multis, quae hactenus pro certis habita sunt, fideles nutent.* Ut enim mittam plura diversi generis facta, illudque solum genus attingam, de quo hic quaeritur, falsum est, nulla esse Ecclesiae de auctoribus eorumque libris iudicia, quae in dubium revocari non possint. Quamvis enim Ecclesia in eiusmodi rebus errare possit, ac proinde fidem sibi haberi, pro potestate, non exigat, tamen ea saepe veritatis signa occurrunt, ut hanc omnes ultro agnoscant, non tam ob ipsius iudicii auctoritatem, quam quod res per se ipsam clara sit, unde nulla etiam praevia Ecclesiae declaratione, omnes de illa conveniunt. Sic damnatos in Luthero & Calvino errores ab utroque revera traditos nullus dubitat, tametsi Tridentina Synodus in his erroribus damnandis auctorum nominibus parcendum duxerit.

Atque ea sunt facta in quibus Ecclesiae Pastores, si ita eis visum fuerit, subditorum fidelium subscriptionem exigere possunt. Neque enim tunc, ut quis illa credat, pro sua potestate jubent, sed ut quae iam ultro credit, aut credere debet, palam profiteatur. Quapropter si quis subscriptionem abnueret, merito de fide suspectus haberetur, quod vix dubium esset, quin dolo malo id recusaret, damnatisque erroribus se ipsa esset infectus. Talia sunt quoque facta Anii, Nestorii, Eutycheris aliorumque Haeresiarcharum, quae nemo sanae mentis in dubium vocaverit.

At alia sunt facta non perspicua aut evidenter, sed potius dubia & obscura, ut plerumque accidit, cum de Auctoribus quaeritur, qui in Communione Ecclesiae Catholicae vixerunt, & quorum Libri, non nisi post mortem, Censurae subijciuntur. Tunc enim multa animo occurrere possunt, quomobrem dubitetur, an errores de quibus insinuantur, reipsa tradiderint; neque id solâ Ecclesiae auctoritate ita certum

evadit,

evadit, ut omnem ea de re dubitationem abjicere necesse sit. Ejus generis sunt facta Honori, Theodori, Abatis Joachimi, & multa alia, quæ nullus Theologorum, ob solam judiciorum Ecclesiasticorum auctoritatem necessarîo credenda existimat.

Et quidem Ecclesiæ Disciplina debitaque Præpositis reverentia postulat, ut ejusmodi judiciis non temerè resistatur. Quin & Episcopi, si ita conducere existiment, librorum lectionem subditiis possunt interdicare, quod malo, si quid ab ealectione periculi est, propulsando sufficit. At facti fidem exigere nequaquam possunt; multò minùs eam recusantes, hæreseos damnare, maxime si in Ecclesiæ Communione permaneant, ac prava dogmata Auctori, de quo controversitur, attributa appetere repudient; id unum contententes, ab accusatoribus malè intellectum, ac singula ejus verba Catholico sensu interpretantes. Tunc enim mutua maxime opus est tollerantia, ac sinendum unumquemque in suo sensu abundare, juxta Pelagii II. ad Episcopos Hystriæ scribentis Regulam, in Jus Canonicum à Gratiano relatam.

Postquam verò præsentem causam cum singulis adjunctis, quantum potui diligenter perpendi, mihi, fateor, planè persuasum est, factum Jansenii minimè inter ea reponendum, quæ certa & evidentiâ habentur, ut sunt facta Arii, Nestorii, aliorum quæ hæreticorum; sed dubium esse & obscurum, ac planè simile factis Honori & Theodori, de quibus Theologi inter se dissentiunt, quæ proinde nullus credere aut subscriptione firmare nemo cogitur. Varia sunt rationum momenta, quæ me in hac traxere sententiam, quas majoris perspicuitatis gratiâ ad certa quædam capita redactas hic explicabo.

I. Maximum exploratæ veritatis signum in ejusmodi Quæstionibus, est ipsa Auctorum eorumque Discipulorum confessio. Itaque nulli in mentem venit de Calvinii erroribus dubitare, quos & ipse palàm defendit, & tota ejus Secta, quæ etiam ab Ecclesiæ Catholicæ Communione secessit, ad hunc usque diem propugnat. Jam verò pater hoc signum in præsentii Quæstione desiderari, imò prorsus contrariâ occurrere. Cùm enim Author de quo quæritur, antè obierit quàm exorta sit de quinque famosis Propositionibus Disputatio, nequaquam eas potuit ut suas agnoscere. Similiter constat ejus defensores illas minimè admittere, sed porius respuere; deinde verò tantum à conflando schismate abesse, ut Ecclesiæ potius Catholicæ arctissimè adhæreant.

II. Alterum veritatis signum in ejusmodi factis, est consentiens peritorum judicium. Sic certus est Calvinii error circa transsubstantiationem, quam ab illo impugnata consensuunt quotquot Theologiæ Consulti ejus libros evolvunt. At hoc quoque signum frustra hic quæras. Plerimi enim, ut notum est, haud infimæ notæ Theologi, tum ex iis qui formula subscriptionem recusant, tum etiam ex iis qui subscripserunt, persuasum habent, Jansenii Doctrinam ab hæretico, qui ei adscribitur, sensu longè abesse: nec mirûs constat, Theologos ejus defensores, hætenus in aliquo judicio auditos aut convictos non fuisse, quantumvis audiri enixè postulaverint, teque ad reddendam doctrinæ suæ ac si lei rationem paratissimos exhibeant. Qui quidem, tametsi numero vincantur ab iis qui Jansenium demont, non parvam habent in hac causa auctoritatem, cùm in perdifficili & implicatissima Quæstione, qualis

qualis est ea de qua in *Augustino* Janſenii agitur, minimè colpandus ſit; qui paucorum valdè doctòrum judicium, plurium aliorum præferat ſuffragio, quos noverit non ita ignavos eſſe, neque in ea re tam diligenter verſatos.

III. Diſceptatur de interpretatione libri elucubrati ab Epifcopo pietate & doctrina celebri, qui in Eccleſiæ Catholice communionem ſemper vixit, atque Hæreticos ſæpe, tum voce, tum ſcripto, exagitavit.

IV. Materia libri, in qua erraſſe dicitur, perdifficilis & perobſcura eſt, neque unquam ab eo tam clara & ſubtili oratione explicari potuit, quin facile lectores minus cauti aut periti in ea hallucinentur.

V. Propositiones iſdem verbis quibus damnatæ ſunt, in ejus libro non extant, ut omnes ſciantur, ſi primam excipias, quam ſenſu plane Catholico intelligendam, tum ex præcedentibus, tum ex ſubſequentibus contendunt illius deſenſores.

VI. In eos vix cadere poteſt ſuſpicio malæ fidei, quaſi inſciatione facti, jus ipſum velint negare. Nam primò formulæ ſubſcriptionem reculando, non ſolum ipſas Propositiones apertè damnant, ſed variis ſcriptis ſuum ea de re ſenſum manifeſtant, nihil ſe aliud defendere conſeſſari, niſi prædeſtinationem gratuitam ac gratiam ſciptæ efficacem, quam S. Auguſtinus totaque Sancti Thomæ ſchola tueretur: tum vero in hunc eundem ſenſum ſingula Janſenii verba interpretantur; cujus rei teſtimonium habent vel ab ipſis Epifcopis formulæ auctoriſ in epiſtola ad Innocentium X. Pontificem ſcripta. Præterea de iſdem propositionibus ſuam fidei confeſſionem quinque articulis comprehenſam, in Urbem ad Alexandrum VII. miſerunt, quam diligenter examinaram Pontifex Orthodoxam judicavit, eamque ſanioris eſſe doctrine reſcriptit. Poſtremò ab Epifcopis formulæ ſubſcriptionem urgentibus ſæpe quæſierunt, quænam propriè dogmata Janſeniani ſenſus nomine intelligi oporteat, idque ut planè ac dilucidè ab eis declararetur, inſiſterunt. Sicubi vero adverſarii propositionum ſenſum aſſignarunt, qualis eſt gratia neceſſitantis in ſecunda & tertia propoſitione, hunc illi ſtatim tanquam falſum & hæreticum repudiarunt. Quæ ſi quis animo attendat, vix fieri poteſt ut eos habeat ſuſpectos, quaſi mala fide factum negent, ut ea occasione damnatos errores tueantur. Quippè eadem ratione ad Baronium & Bellarminum Cardinales, Monothelitarum hæreſeos ſuſpicio pertineret, quod adverſus trlum Conciliorum Generalium plurimque Summorum Pontificum definitionem, literas Honorii ab ea hæreſi vindicent. Similiter in Petavium Neſtoriani dogmatis crimen caderet, quod ſcripta Theodoretæ adverſus Sanctum Cyrillum, tanquam erroris experta, defenderat. Denique ex mente Gregorii Magni, nemo tam Catholicus, quin ei hæreſeos labes aſpergatur, ſi publica ejus fidei profeſſione inſuper habita, eum iatus in animo hæreſim retinere, ex tam inutilibus argumentis conjicere liceat.

VII. Iſdem illi Theologi in reliquis materiis, quæ vel ad hierarchiam, moralem doctrinam, diſciplinam Eccleſiaſticam, poenitentię atque Eucharistiæ Sacramenta, aliaque magni momenti Sacræ Doctrinæ capita pertinent, ſtrenuos ſe veritatis deſenſores præſtant.

VIII. Iſis in hac cauſa adjungendi ſunt complures Epifcopi, qui vel Publicis edictis,

edictis, vel Perscriptis in Dioecessana Synodo actis, distinctionem Juris & Facti, in subscribendâ Formulâ, probaverunt, aut etiam qui hanc in subscribendo distinctionem adhibentibus faciles se præbent, tamen ipsi illam in suis Edictis non interposuerint. Hinc enim constat, Factum Jansenii omnibus istis Antistitibus minime certum aut evidens videri.

IX. Denique si quis ea quæ in toto hoc negotio gesta sunt, consideret, quibus machinis Jansenium adversarii adorti sint, quamque parùm æquis legibus, tota hæc lis, jam ab initio, instructa sit, vix sibi temperare poterit, quin lato in eum judicio diffidat, & de eâ re dubitet, cui tot rationes fidem detrahunt. Hæc obiter tetigisse sufficiat, quæ cum tibi valdè perspecta sint, satius est tux prudentiæ cogitanda relinquere, quàm iis fusiùs explicandis, in nonnullorum offensam incurrere.

Hæc, fateor, multa quæ brevitate causâ omitto, gravissima mihi in hæc Quæstione visa sunt; nequè fieri posse existimo, ut ea quis diligenter apud se reputet, quin Factum de quo agitur, minime certum ac evidens esse agnoscat.

Id Jansenii adversarios non fugit. Undè hæc se ratiocinatione premi animadvertentes, Quæstionem aliò detorquere conantur. Nequè enim, inquit, hic de Facto agitur, cum Doctrina Jansenii, sive ea sit vera aut falsa, Catholica aut Hæretica, res sit in Jure posita: Undè ultrâ inferunt, Ecclesiam, in eâ dijudicandâ, errare non potuisse, atquè adeò quod de illâ pronuntiavit, apud omnes Catholicos ratum esse oportere.

Verùm mera est cavillatio, quâ res suapte naturâ divulsas verbis involvunt, & Juris, Factique inseparabilitatem jam pridem ab omnibus explosam, ac priori tuo Edicto penitus profigatam, iterùm nobis obtrudunt. Nequè enim dubium, quin Doctrina Jansenii, si per seipsam consideretur, necessariò vera sit aut falsa, Catholica aut Hæretica. Sed nunquàm hinc quæstio Juris, quæ Hæreseos accusationi locum præbeat, existet, nisi priùs constet quænam sit ea Doctrina, atquè id demùm in Controversiam vocetur, utrùm hæc ipsa Doctrina, de quâ jam inter omnes convenit Catholica sit vel Hæretica. Tunc enim id ex Scripturis Sacris & Traditione dirimendùm erit, proindeque ad jus seu fidem Ecclesiæ pertinebit. Sin verò de Doctrinâ nondùm convenit, sed ab aliis in alium atquè alium sensum accipitur, semper quæstio erit in Facto: id quod in præsentî Controversiâ usu venit, aliis Doctrinam Jansenii in Sententiam quinque Propositionum à Pontificibus damnatarum accipientibus, aliis verò in Sententiam Gratiz per seipsam efficacis; quod certè Dogma orthodoxum est, & magnam in Ecclesiâ Catholicâ habet auctoritatem. Sic de Honorio, quia inter Theologos de ejus Epistolarum Doctrinâ non convenit, in quibus alii Christo unam concordiam & consensione voluntatem, Catholico sensu, tribui contendunt; alii verò unam naturam & essentiam, quæ erat Monothelitarum hæresis, non nisi Facti quæstio est, utrùm horum potiùs senserit Honorius, de quâ licet Theologis inter se disputare, dummodò cum Ecclesiâ Catholicâ, æquè duas in Christo voluntates, ac naturas, admittant.

Ceterùm hæc, tanquàm rem maximi momenti diligentius observandam puto; cum ambigua sint quinque Propositiones, & in varias facili Sententias accipi possint,

possint, minime viris Theologis vitio verti posse, si eas distingui, ac sensum, quo damnandæ sint, assignari postulent, priusquam Formulæ subscribere cogantur; Episcoporum verò, utpotè qui Fidelibus Doctores à Deo constituti sint, partes esse, eorum dubitationem tollere, idque, quod damnandum proponunt, clarè explicare; nè alioquin illi in fraudem inducantur, ac minus sincerum edant suæ fidei testimonium. Quamvis in damnandis quinque Propositionibus Sententia gratiæ efficacia, cum expressâ Pontificum declaratione, tum generali totius Ecclesiæ consensu excepta sit, fateri tamen necesse est, valde optandum fuisse, ut sententia ipsa quæ Censuræ subjecta est, non dubio ac incerto Janseii sensus signo, unde nunc tot in Ecclesia turbæ, sed claris ac dilucidis verbis fuisset explicata. Quia Inre Theologi illi eo magis sibi, adhuc bitâ formulæ subscribendæ distinctione, cavendum putant, quod probe norint non eodem modo ab omnibus intelligi, quid à Pontificibus damnatum sit; unde verendum est ne aliquando eâ occasione gratia ipsa effectus in discrimen adducatur, maxime cum eam oppugnent adversarii, idque unum in tota hac concertatione agere videantur, ut quam aperto Marte adoriri non audent, jassi per insidias & cuniculos expugnent.

Hæc sunt quæ in præsentî Quæstione post longam meditationem mihi certa & explorata habentur, & ex quibus apud me statui, quid in hocce negotio mihi gerendum sit, ut muneri ac conscientiæ satisfaciam. Tibi confirmare possum, ea mihi in dies certiora ac firmitiora videri, & quo plus progredior, eò magis magisque in eis me acquiescere. Hæc ratione in promptu fuit expedire me tricus & difficultatibus, quibus homines plus propriis commodis & cupiditatibus, quam veritatis studio aut Ecclesiæ honori addicti, jam dudum hanc causam conantur involvere, atque eo modo veram & solidam conscientiæ pacem nactus sum. Neque dubito quin si quis hæc animo à præjudiciis libero perpendat, idem sit experientiâ comprobaturus; præsertim si magno sinceritatis Christianæ studio teneatur, ut teneri Te, non uno Litterarum Tuarum loco, palam ostendis.

A priori sententia discedere non dubitavi, simul atque harum rerum clariorem, Deo dante, intelligentiam habui; cujus gratia etiam futurum spero, ut nullis unquam humanis affectibus aut consiliis deterrendus sim, quo minus debitum veritati testimonium perhibeam. In hoc utique gloriabor, eaque ratione mihi certum est conscientiæ tranquillitatem tueri, quod bonum tanti faciendum est, ut nihil ei in hac vita anteponendum putem: Unde etiam illud tibi, ac cæteris qui me pari ac Tu benevolentia, prosequuntur non possum non optare, nihilque, mihi magis cordi fuerit, quam ut in hac quæstione, tam eadem esset utriusque nostrum sententia, quam Tu iple mihi confirmas, eandem prorsus esse in iis quæ spectant ad disciplinam ac moralem doctrinam. Non parvum, ut mihi videtur, id momentum haberet ad reddendam Theologis pacem, sedandasque concertationes, quibus jamdudum miserè apud nos Ecclesia conficitur.

Tantum à te bonum Gallia expectat universa, pro ea quâ polles, & Ecclesiastica dignitate, & summa apud Regem gratia: quod ut præstare possis, copiosam tibi Spiritus subministracionem à Christo Domino precor, quo & agenda videas, & ad im.

implenda quæ videris, convalescas. Epistolam absolvo, à te suppliciter postulans, ut quo illam animo ad te scripsi, eodem accipias, eamque habeas, tanquam simplicem sensuum meorum apud te declarationem, ac verissimam singularis in te amoris mei atque observantiæ significationem.

Aleſi die 7. Novemb. 1667.

*Tuus, Domine Ill^{re}. humillimus & obsequen-
tissimus servus Nicolaus Ep. Aleſiensis.*

Hæc Episcopi Aleſiensis Epistola die 7. Novembris 1667. data, responsio est ad aliam Archiepiscopi Parisiensis Epistolam die 20. Octobris præcedentis scriptam, & à Domino Fret S. Nicolai in Urbe Parisiorum Parocho atque uno ex Vicariis Generalibus ejusdem Archiepiscopi ad Episcopum Aleſiensem missam. Hæc autem Responsio ad eundem D. Fret qui illam Archiepiscopo traderet, missa est. Rescripsi Archiepiscopus se illam accepisse, variisque occupationibus detentum non potuisse respondere: id cum primum per otium licuerit, facturum. Quod tamen non præstitit: nullasque cerid quidem hæc de re literas possed. ad eo Prasule accepit Aleſiensis Episcopus,

